

Namminersorlutik Oqartussat nalunaarutaat Innaallagissamut ikkussuinerit suliarineqarnerannut ingerlanneqarnerannullu isumannaallisaaneq pillugu normu 21, 12. december 2019-imeersoq

§ 6, imm 1 naapertorlugu Sanaartukkat innaallagissamut atugassat, innaallagissamut ikkussuinerit aamma atortut innaallagiatortut pillugit Inatsisartut peqqussutaat nr. 12, 3. november 1994-imeersumi, Inatsisartut inatsisaanni nr. 19, 12. juni 2019-imeersumi allanngortinneqartumi, Innaallagissiornermut Oqartussanit aalajangersaneqassaaq:

Kapitali 1

Atuuffia aamma nassuiaatit

Atuuffia

§ 1. Nalunaarut manna atuuppoq innaallagissap aqqutaanik ikkussorneqarsimasunik 0 V ac.-imit imaluunniit 0V dc.-imit 1000 V ac. imaluunniit 1500 V dc. angullugu ilanngullugu sakkortussusilinnik suliarnermut aamma ingerlatsinermit.

Isumannaallisaanermut piunasaqaatit

§ 2. Innaallagissap aqqutai suliarineqassapput aamma ingerlatinneqassapput imatut, taakkua inunntut, uumasuutinut imaluunniit illunut navianartorsiortitsisinnaajunnaarlugit.

Nassuiaatit

§ 3. Nalunaarummi matumani makku imatut paasineqassapput:

- 1) Sumiiffinni tamanit tikinneqarsinnaasuni qaammaqqusersuinermit atortut: Aqqusineeqqani, illut akornanni aqqusinerni, aqqusinerni, inoqannginnersani aamma assigisaanni tamanit tikinneqarsinnaasuni qaammaqqusersuinermit armaturinik aamma qaammaqqutinik ikkussuinermit.
- 2) Ajoqusernaveersaarnermut atortut: Navianartunut innaallagissap pilersissinnaasaanut ajoqusernaveersaarnermut atortut, soorlu sarfap sakkortusivallaarnissaanut illersuutit aamma innaallagissamut

kukkusumik ingerlalersumut illersuutit.

- 3) Inigisat: Illut aamma inissiat ukioq naallugu inigineqarsinnaasut akuerisat aammattaaq sunngiffimmi illut aamma sulinnigiffimmi inissiat, unnuiffigineqarsinnaasut akuerineqarsimasut.
- 4) DCL: Device for Connection of Luminaires atortut DCL-imut ikkussisarfillit aamma DCL-imut ikkuffillit, taakkua qaammaqqusersuinermit armaturinik innaallagissamut attaveqartitsilersinnaasut aamma qamittaatiliisinnaasut inaallagissamut aqqummut aalajangersimasumut.
- 5) EDB-mut ikkuffiit: Atortut ikkuffii immikkut ittumik suliarineqarsimanertik pissutigalugu IT-mut atortunik aamma assigisaannik ikkussiffigineqarsinnaasut, kisianni atortunit allanit innaallagiartortunit allatut ittunik ikkuffilinnik ikkussiffigineqarsinnaanngitsut.
- 6) Ajortittoqarsinnaaneranut illersuusiliineq: Innaallagissap sarfaanut qupinnguallannissamut ataasiartumik ajortittoqarnerani imminut illersorneq.
- 7) Napparsimavinni innaallagissamut ikkuffiit: Innaallagissamut ikkuffiit innaallagissamut ikkuffinnut nalinginnaasunut atorineqarsinnaanngitsut Atortunut innaallagiartortunut isumannaallisaanermut najoq-qutassiaq naapertorlugu.
- 8) Ikkussukat ikkuffiit atorlugit attavilerneqartartut: Attaviliinermut atortut aalajangersimasumik ikkunneqarsimasut iikkamut ikkuffimmut innaallagissamut ikkuffimmit ikkussiffigineqartartut, taakkualu sarfaqartillugit katiterneqarsinnaanatik imaluunniit avissaartinneqarsinnaanatik. Tamatuma saniatigut atortut siullermik ikkunneqarsimanermik kingornatigut katiterneqarnissaminut imaluunniit avissaartinneqarsinnaanerata naatsorsuutigineqassanngillat, aserfallatsaaliuinerup imaluunniit atortunik innaallagiartortut ikkussorneqarsimasunik aqputaanik allanngortitsinermut atatillugu.
- 9) Tunngaviusumik illersuut: Arlaannik ajortittoqarsimatinnagu innaallagissap sarfaanut qupinnguallannissamut illersorneq.
- 10) Ataatsimoortitat: Innaallagissap kaaviiarfia atortut innaallagissamik atuisut imaluunniit iikkami ikkuffinnik pilersuisussatut naatsorsuutigineqartut.
- 11) Atortut Klasse I-mut ilaasut: Atortut innaallagiartortut tunngaviusumik tapinnaallisarneqarsimasut soorlu tunngaviusumik ajortinnissaannut illersuutilerlugit aamma naligiissaarnissaannut soorlu ajortinnissaannut illersuutilikkat.
- 12) Atortut Klasse II-mut ilaasut: Atortut innaallagiartortut tunngaviusumik tapinnaallisarneqarsimasut soorlu tunngaviusumik illersuuserlugit aamma ajortinnissaannut tapinnaallisaqqinneqarsimasut soorlu ajortinnissaannut illersuutilikkat, imaluunniit tunngaviusumik aamma ajortinnissaannut illersuuteqarnerat sakkortunerusumik tapinnaallisaanikkut anguneqarsimalluni.
- 13) Innaallagissap aqputaa: Aqputip ilaa innaallagissap sarfaanut aalajangersimasumut aqputigineqartussatut naatsorsuussaq.
- 14) PELV: Atortoq innaallagiartortoq taassuma sarfaata sarfap immikkut sakkukissuseqartup nalinga qummut qaangersinnaanagu ataasiaannartumik ajortittoqarnerata nalaani taamaallaat innaallagissap kaaviiartut allat nunamut ikkunneqarfianni ajoquteqalertoqarnera pinnagu.
- 15) RCD: Residualcurrentdevice, kattutsitsinermut atortoq mekaniskiusoq imaluunniit atortut katiterneqarsimasut sarfamik attaveqartitsisartut, ingerlatsisut aamma attaveerutsitsisartut ingerlatsinermut pissutsit nalinginnaasuuneranni aamma ikkuffinnik ammaanermik pilersitsisartut, sarfaq siumukartooq aalajangersimasumik naleqartillugu pissutsit nalunaarsorneqarsimasut tunngavigalugit.
- 16) Inuk paasisimasalik: Inuk tulluurtumik ilinniagalik aamma misilittagalik tamakku tunngavigalugit pineqartoq nalorninartunik misissueqqissaarsinnaavoq navianartunillu innaallagissap pilersissinnaasaa-

nik pinngitsoortitsilluni.

17) SELV: Atortoq innaallagiartortoq taassuma sarfaata sarfap immikkut sakkukissuseqartup nalinga qummut qaangersinnaanagu, pissutsit nalinginnaatillugit taamatullu ataasiaannartumik ajortittoqarnera ta nalaani, innaallagissap kaaviiartut allat nunamut ikkunneqarfianni ajoquteqalertoqarnera ilanngullugu.

18) Innaallagissamut ikkuffik: Innaallagissamut atortoq ikkutassaq niuusanik pilik taannalu iikkami ikkuffiup ikkunneqarfissaanut naammattussatut naatsorsuussaalluni.

19) Iikkami ikkuffik: Innaallagissamut atortoq ikkussivissaq ikkussivissartalik taannalu ikkutassap niuusanik peqartup aamma ledninginut ikkussiffissanik attaveqartitsilernissamut atortulik.

20) Sarfap kaaviiarfia: Innaallagissamut atortut ikkussukkami innaallagiartortumiittunik, taakkua sarfap sakkortuallaarnissaanut ataatsimut illersuutinik atortulerneqarsimallutik.

21) Ledninginut katiteriffik (tavle): Katiterinermut atortoq ataaseq imaluunniit arlallit tassunga ilanngullugit atortut innaallagiartortut aqutsinermut, uuttuinnermut, nalunaarnermut, ajoqusernaveersaartitsinermut, naleqqussaanermut atortut namminneq inaallagissamik aamma mekaniskiusumik attaveqartut aamma sananeqarsimasunik ilaqarlutik.

22) Ledningi tassunnartoq: Ledningi qitulleraartoq atortut innaallagiartortut innaallagissamut aalajangersimasumut atassuserneqarnissaannut atorineqartartut.

Kapitali 2

Isumannaatsuutitsinissamut piumasagaammik naammassinninneq

§ 4. Innaallagissap aqputaa ikkussuunneqarsimasooq Kalaallit Nunaanni allannguutit/ilanngunneqarsimasut ilanngullugit innaallagissamik sakkukitsumik sarfalinnik ikkussuussinermi maleruaqqusat nalinginnaasut HD 60364 atuuttoq naapertorlugu suliarineqarpat, taava isumannaatsuutitsinissamut piumasagaatit ataatsimoortut eqqortinneqarsimasutut isigineqassapput.

Imm. 2. Innaallagissap aqputaa ikkussuunneqarsimasooq Kalaallit Nunaanni allannguutit/ilanngunneqarsimasut ilanngullugit innaallagissamik sakkukitsumik sarfalinnik ikkussuussinermi maleruaqqusat nalinginnaasut HD 60364 atuuttoq malinnagu imaluunniit ilaannaa malillugu suliarineqarpat, taava ikkussorneqarsimasup najoqqutassami matumani isumannaatsuutitsinissamut piumasagaatit malinneqarnerat uppersaasarsorneqassaaq.

Imm. 3. Atortunik innaallagiartortunik ikkussuinnermik suliaqarnermi piffissaasumik nalunaarneqarnermi maleruaqqusap nalinginnaasup sorliup atorineqarnissaa ersersissavaa. Imatut pisoqarpat atortunik innaallagiartortunik ikkussuinnermik naammassinnilluni piffissaq suliaqarfiusooq tassaasooq ukiunik pingasunik sivikinnerusooq, taava ikkussuinnermik naammassinnilluni piffissamut suliaqarfiusumut Kalaallit Nunaanni allannguutit/ilanngunneqarsimasut ilanngullugit innaallagissamik sakkukitsumik sarfalinnik ikkussuussinermi maleruaqqusat nalinginnaasut HD 60364 atorineqassaaq.

§ 5. Nalinginnaasut nalunaarummi matumani innersuunneqartut, Dansk Standard aqputigalugu pisia-

rineqarsinnaapput imaluunniit Innaallagissiornermut Oqortussani misissorneqarsinnaapput.

Kapitali 3

Isumannaatsuutitsinissamut piumasaqaatit ataatsimoortut

§ 6. Innaallagissap aqputaa ikkussorneqartoq tunngaviusumik illersuuserneqassaaq, taamaaliornikkut inuit aamma uumasuutit navianartunut, tassa ikkussorneqarsimasut ilaannik sarfaqartunik atuinerminni pilersinnaasunut illersorneqassammata.

§ 7. Innaallagissap aqputaa ikkussorneqartoq ajortittoqarsinnaaneranut illersuuserneqassaaq, taamaaliornikkut inuit aamma uumasuutit navianartunut, tassa ikkussorneqarsimasut ilaannik sarfaqartunik ajortissimasunut atuinerminni pilersinnaasunut illersorneqassammata.

§ 8. Innaallagissap aqputaa ikkussorneqartoq imatut suliarineqassaaq, taamaaliornikkut ikuallajasut ikittoornissaannut kissattoorpallaarnerup imalluunniit innaallannerit kingunerisaannik navianartoqassanani. Tamatuma saniatigut atortut innaallagiartortut atorneqarneranni, inuit imaluunniit uumasuutit uutitersinnaanerannut navianartoqassanngilaq,

§ 9. Innaallagissap aqputaa ikkussorneqartoq sakkortuallaamik sarfanittoornissamut illersorneqassaaq taamaaliornikkut inuit, uumasuutit aamma illuutit navianartunut illersorneqassallutik, tassa kissattoorpallaarnerup kingunerisaanik imaluunniit elektromekaniskiusumik sunnertinneqarnissamut sakkortuallaamik sarfanittoornissamut pilersinnaasunut.

§ 10. Aqputit sarfap ingerlaarfigisaanni aamma ilaani suugaluartuniluunniit, taakkua sarfamik kukkusumik ingerlaarfissatut naatsorsuussaasut, sarfamik taassuminnga ingerlaffissatut pineqassapput kissappallaarnissaat pinaveersaartillugu.

§ 11. Atortoq innaallagiartortoq taakkununga ilanngullugit aqputit mekaniskiusumik, sarfamik kukkusumik pilersinneqartumut elektromekaniskiusumik sunnerneqarnissaannut illersuummik pilerneqarsimassapput, taamaaliornikkut inuit, uumasuutit aamma illup navianartorsiortinneqarnissaat pinngitsoortinniarlugu.

§ 12. Sarfap ingerlaarfiisa ilaasa sarfap kaaviffiisa akornanni ajortitit, taakkua assigiinngitsunik sarfa-

mik pilersorneqarnerisa kingunerissanngilaat inuit, uumasuutit imaluunniit illut navianartorsiortinneqarnerannik kinguneqassanngilaq.

§ 13. Innaallagissap sakkortusivallaarnerata inuit, uumasuutit imaluunniit illut navianartorsiornissaat kingunerissanngilaa.

§ 14. Sarfaq sakkukillisimasup aamma tamatuma kingornatigut sarfaq sakkortussusianik pilersitseqqinnerup inuit, uumasuutit imaluunniit illut navianartorsiornissaat kingunerissanngilaa.

§ 15. Innaallagissap aqputaa ikkussorneqartoq elektromagnetiskiusunik akornusersorneqarnissaminut sunnerneqarsinnaajunnaarsinneqassapput, taamaalillutik avatangiisini inissisimaffigisaminni akornuteqanngitsumik ingerlasinnaassallutik.

§ 16. Naatsorsuutigineqarsinnaappat inuit, uumasuutit imaluunniit illup pilersuinerup atassutaarunerani navianartorsiortinneqalersinnaanerata, taava maleruaqqusanik pissutsinut naleqquttunik ikkusukkani imaluunniit atortuni innaallagiartortunik ikkussorneqareersimasuni pilersitsisoqassaaq.

Kapitali 4

Pilersaarusionerq aamma ingerlatsinerq ataatsimut isigalugit

§ 17. Innaallagissap aqputaa ikkussorneqartoq pilersaarusionerqassaaq aamma imatut suliarinerqassalluni, tassani atortup innaallagiartortup ikkussorneqartup siunertamut atorneqarnissaminut eqqortumik atorneqarnissaanut sillimaffigineqarsimassalluni.

Imm. 2. Innaallagissap aqputaa ikkussorneqartoq pilersaarusionerqassaaq aamma imatut suliarinerqassalluni, tassani pissutsit avatangiisinut tunngasut eqqarsaatigineqassallutik, tassa innaallagiartortup ikkussorneqartup naatsorsuutigineqartutut innaallagissap aqputaata ikkussorneqarsimasup qanoq sivisutigisumik piusinnaanera eqqarsaatigalugu.

Imm. 3. Atortussiat innaallagiartortut innaallagissap aqputaanut ikkussorneqarsimasunut ilaasut, taakualu namminneq imm. 2 naapertorlugu piumasqaataasunik pisinnaasaqanngitsut, qulakkeerneqassapput naammaginartumik immikkut illersuuserlugit tassa innaallagiartortup ikkussukkap naammassineqareertut ilaata assingatut.

§ 18. Innaallagissap aqputaa ikkussorneqartoq tamatigut suliarinerqassaaq eqqortumik isumannaatsuutillugu aamma illersorneqarsinnaasumik, tassa inunnit taamatut suliaqarnissamut piginnaaneqartu-

nik.

Imm. 2. Innaallagissap aqputaanik ikkussorneqartumi atortussiat naleqquttut taamaallaat atorineqasapput aamma atortussiortup ilitsersuutigisai naapertorlugit ikkussorneqassallutik.

Imm. 3. Atortussiat piginnaasaat innaallagissap aqputaata ikkussorneqartup suliarineqarnerata nalaa-ni ajornerulersinneqassanngillat.

§ 19. Ledninginik atorineqartussanik aamma qanoq ikkussuinissamik toqqaanermi eqqarsaatigineqartussat tassaapput:

- 1) sumiiffiup qanoq issusia,
- 2) iikkat aamma illup ilaata allat, ledninginut atortut ingerlaffigisaasa, qanoq issusiat,
- 3) ledninginut atortut inunnit aamma uumasuutinit tikinneqarsinnaanerata,
- 4) sarfap sakkortussusia,
- 5) elektromagnetiskiusut sunniutigisinnaasaat, nunamut ikkusimasut ajortinneranni aamma kortslutertoqarnera pilersinnaasunit,
- 6) elektromagnetiskiusut akornusersuinerata aamma
- 7) sunniutaasinnaasut allat, tassa ledninginut atortunut sunniuteqarsinnaasut innaallagiartortut ikkussorneqartut suliarineqarneranni imaluunniit ingerlatsinermi.

§ 20. Innaallagissap aqputaata sanimut kipinera aalajangersarneqassaaq nalinginnaasumik ingerlaner-mut pissuseqarneranut aaamma ajortinnermi pissuseqarneranut naleqqiussilluni makku eqqarsaatigalu-git:

- 1) innaallagissap aqputaata kissannermini qaffasinnerpaamik akuerineqarsinnaasup killiffia,
- 2) sarfap apparnerata akuerineqarsinnaanerup akuerineqarsinnaasup killiffia,
- 3) elektromekaniikkip sunniutigisai, nunamut ikkusimasut ajortinneranni aamma kortslutertoqarnera pilersinnaasutut naatsorsuutigineqartut,
- 4) mekanikkip sunniutigisai allat, tassa innaallagissap aqputaanut sunniutaasinnaasut,
- 5) innaallagissap ingerlaartup sakkortussusianut akiuuttup (impedans) annertunerpaaffia, sarfamut kukkusumut illersuuteqarnermut atuuttumut naleqqiussilluni, kiisalu
- 6) qanoq ikkussuisoqarnera.

§ 21. Innaallagissap aqputaa ikkussuunneqartoq aamma ikkussuunneqartut atortullu allat imatut suliarineqassapput aamma inissinneqassallutik, taakkua akunnerminni imminnut ajoqusersinnaajunnaarsil-lugit.

§ 22. Ikkussuunneqartut allat innaallagissap aqputaanut ikkussuunneqartunut attaveqanngitsut ima-luunniit attuumassuteqanngitsut, taakkua innaallagissap aqputaanut ikkussuunneqarsimasunut imatut avissartinneqarsimassapput, suliarissallugit periarfissaqassalluni innaallagissap aqputai ikkussuunne-qarsimasut attunngikkaluarlugit.

§ 23. Atortussiat innaallagiartortut imatut inissinneqarsimassapput, aqunnerat, misissornerat, suliarinerat, aserfallatsaaliorneqarnerat aamma taakkua attavilersorneqarnerisa tikinnissaannut periarfissat ajornanngitsumik periarfissaassalluni, taamaallaat makku pinnagit:

- 1) nunami katiterneqarsimasut,
- 2) katiterfiit immerneqarsimasut imaluunniit qallerneqarsimasut,
- 3) ledningit nillertut aamma atortut kiassarneqartut akornanni attaviit qilaami aamma natermik kiassaanermut atortut aamma kabelit kiassaanermut atortut,
- 4) katiterineq svejserineq, aqerlorterineq, qajannaallisaalluni aqerlortikkat imaluunniit sakkoq naqitsinertalik atorlugu naleqquttumik katinneqarsimasut, imaluunniit
- 5) katiterineq tassaasoq atortussiamut innaallagiartortumut ilaasoq aamma nalinginnaasunik taakununga attuumassuteqartunik eqqortitsisoq.

§ 24. Innaallagissap aqputai ikkussuunneqareersimasunut atortut allat suliarineranni aamma inissineranni, aqunnerat, misissornerat, suliarinerat, aserfallatsaaliorneqarnerat aamma innaallagissap aqputaanut ikkussuunneqartunut attavilersorneqarnerisa tikinnissaannut periarfissat sapinngisamik ajornanngitsumik periarfissaassalluni.

§ 25. Innaallagissap aqputaa ikkussuunneqartoq imaatut suliarineqarsimassaaq piffissami suliarineqarfianni maleruaqqusat atuuttut naapertorlugit.

Imm. 2. Innaallagissap aqputai ikkussuunneqarsimasut kingusinnerusukkut allanngortinneqarpata, tamatumunnga ilanngullugit ledninginut katiteriffiinik nuussineq, taava innaallagissap aqputaasa ikkussuunneqarsimasut ilaannut allanngortinneqartunut maleruaqqusat piffissami suliaqarfiusumi atuuttut atorneqassapput.

§ 26. Sumiiffiup sumut atorneqarnerata imaluunniit qanoq issusia allanngortinneqarpat, taava innaallagissap aqputaa ikkussuunneqarsimasooq atorneqarfimminut imaluunniit qanoq issusermut nutaamut naleqqussarneqassaaq.

Imm. 2. Sumiiffiup sumut atorneqarnerata imaluunniit qanoq issusia allanngortinneqarpat atortumik innaallagiartortumik ikkussinermut atatillugu, taava ikkussineq suliarineqassanngilaq, innaallagissap aqputaata ikkussuunneqarsimasup sumiiffik tamakkerlugu atorneqarfimminut imaluunniit qanoq issusermut nutaamut naleqqussarneqaaqqartinnagu.

Pilersuineranut atortut

§ 27. Innaallagissap aqputaa ikkussuunneqarsimasooq innaallagissamik sakkukitsumik siaruarteriner-

mut aqqutinit pilersorneqartoq, TN-itut atorneqartutut suliarineqarsinnaavoq imatut ittoqartillugu, imaappat atortoq innaallagiartortoq ikkussukkamik pilersuisoq tassaappat TN-itut atorneqartutut suliarineqarsimalluni:

- 1) Innaallagissap aqqutaa ikkussuunneqarsimasoq transformerstationimit nammineq pigisamit pilersorneqarpat.
- 2) Innaallagissap aqqutaa illumut ingerlasoq toqqaannartumik transformerstationimit aallaaveqarpat aamma kabeli atorlugu suliarineqarsimalluni.
- 3) TN-itut atorneqartoq innaallagiartortumut ikkussuunneqarsimasumi atorneqareertillugu.
- 4) Atortumik innaallagiartortumit piginnittoq immikkut akuersissummik tunniussaqaqarsimatillugu.

Imm. 2. Atortumik innaallagiartortumik piginnittup TN-itut atorneqartutut atuisinnaanermik itigartitsisinnaavoq imm. 1-imi normu 1 aamma 2 taaneqartunut tunngatillugu, imaappat TN-itut atorneqartup sarfamik sakkukitsumik siaruarternermut aqqutini suliaqarnissaq teknikkkut annertuumik ajornartorsiuteqarnermik tamanna kinguneqarpat.

Imm. 3. TN-itut atorneqartoq atorneqarsinnaangilaq atortumik innaallagiartortumik piginnittoq akuersissuteqartinnagu, tassa imm. 1-imi normu 3-mi taaneqartunut tunngatillugu.

§ 28. TN-C-itut atortunik atorneqartunik peqarnissaq akuerineqangilaq ledninginut katiteriffiup siulliup imaluunniit agguartitsissutip killiffiata kingornatigut. Ledninginut katiteriffiup siulliup imaluunniit agguartitsissutip killiffiata kingornatigut tamatigut sarfaq aqqutai illersuutitik aamma nor'lup aqqutai immikkoortinneqarsimasut atorneqassapput.

Imm. 2. Innaallagissap aqqutai ikkussuunneqarsimasut pioreersuni aammattaaq transformerstationini allilerineq imaluunniit allangortitsinerni, imm. 1 atuutsinneqangilaq.

Ledninginut katiteriffinnik (tavler) ikkussuineq

§ 29. Ledninginut katiteriffiit siornanni, taakkua silissusiat imaluunniit portussusiat 1 meteri qaangersimappassuk, taava inissaq akornuserneqangitsoq minnerpaamik ledninginut katiteriffiup silissusia tamakkerlugu aamma natermiit taassuma qaavanut 1 meteriussaaq, taamaattorli natermiit minnerpaamik 2 meterit.

Imm. 2. Ledninginut katiteriffiit ilaanut imaluunniit atortumut anillanganerup takinersaanut akornuserneqangitsumik 1 meterimik inissaqartitsisoqassaaq. Ledninginut katiteriffiit sanileriissillugit inisinneqartillugit, kisianni taakkua akunnerminni ungasissusiat 1 meterimit annikinneruppat, taava taakkua ledninginut katiteriffittut ataasiinnartut isigineqassapput.

Imm. 3. Atortut sullullit perlaajusallit imm. 1-imut ilaatinneqangillat.

§ 30. Attaviliinermut ikittaatinullu atortut, taakkununga ilanngullugit atortut illersuutaasut paatsuu-gassaangitsumik nalunaaqutserneqassapput, takkua ersersissavaat innaallagiartortup ikkussuunneqarsimasup immikkoortut sorliit attavilernerai.

Imm. 2. Atortut paarlaanneqarsinnaanerat periarfissaanngippat taava imm. 1 atuutinneqassanngilaq.

§ 31. Sarfamut sakkortuallaartumut illersuutunik suugaluartuniluunniit qajannaatsumik nalunaaqutsii-soqarsimassaaq, tassani nalunaarneqarsimassaaq sarfamut nalunaarneqartumut sikringi annerpaaq akuerisaasoq sorliunersoq imaluunniit atortut iluarsineqarsinnaappata sarfaq iluarsineqarsinnaasoq sakkortunerpaaq.

Imm. 2. Sarfamut sakkortuallaartumut illersuut arlalinnut siunertalerlugu atorneqarpat, taava nalunaaqutsiinermi annertussutsit akuerisaasut minnerpaaq nalunaaqutserneqassaaq.

Ajoqusernaveersaarnermut atortut

§ 32. Ajoqusersinnaanermut illersuutit pisinnaasai aalajangersarneqassapput atortup sumut atorneqarnera apeqqutaatillugu.

Imm. 2. Ajoqusersinnaanermut illersuutit atuutissapput sarfap sakkortussusia, sarfaqarneq aamma piffissaq eqqarsaatigalugu, taakkualu naleqqutissapput sarfamik kaavitsisup pisinnaasaanut aamma inuit, uumasuutit imaluunniit illup navianartorsiortinneqarnissaannut naleqqiussilluni.

Qamitsineq aamma immikkoortitsineq

§ 33. Atortussianik innaallagiartortunik ikkussisoqarsimassaaq innaallagiartortunik ikkussuunneqarsimasunik qamitsinermut atorneqartussanik, taamaaliornikkut innaallagiartortunik ikkussuunneqarsimasunik, sarfalinnik kaaviiartunik imaluunniit atortunit ataasiakkaanik, aqutsinermi, misissuinermit, ajoquteqarnerannik misissuinermit, misileraanermit, aserfallatsaaliuinermit aamma aqqiussuussinermi qamitsisoqarsinnaalluni taamatuttaarlu immikkoortitsisoqarsinnaassalluni.

Imm. 2. Sarfallit kaaviiartui innaallagissap aqquaanit sarfaqartunit tamanit immikkoortinneqarsinnaassapput. Immikkoortitsineq sarfallit kaaviiartuinut ataatsimoortumik pisinnaavoq, tamanna ingerlatsinermi pissutsit ajornartinngippassuk.

§ 34. Innaallagissap aqquaanik ikkussuunneqarsimasumik sarfamik pilersorneqarnerata ingerlaannartumik qaminneqarnissaa pisariaqarpat, taamaaliornikkut inuit, uumasuutit imaluunniit illu navianartorsiortinniarnagit, taava ajutoornermi qamittaammik ikkussisoqassaaq taanna ilisariuminassaaq, sunniuteqarluassalluni aamma pilertortumik atorneqarsinnaassalluni.

Ajoqusernaveersaarnermut ilassut RCD atorlugu

§ 35. Innaallagissap aqputaanut aalajangersimasumik ikkussorneqarsimasunut innaallagiartortunut il-lumi atugassanut assigisaannullu ikkuffiit 20 A tikillugu kiliffigalugulu sarfatortut, aammattaaq innaalla-gissap aqputaanut aalajangersimasumik ikkussuunneqarsimasunut ikkuffinnut allanut sarfamut sakkor-tuallaartumut 32 A tikillugu kiliffigalugulu illersorneqartunut, ilaassaaq pilersuineramik attaveerutitsinis-saq automatiskiusumik qamitsisartog illersuutaasoq.

Imm. 2. Illersuutaasutut atortutut atorneqassapput RCD maluginilluni sarfaarutitsisartog annertu-nerpaamik 30mA killiffiliullugu.

Imm. 3. Ikkuffiit iikkamiittut atortunut ataasiakkaanut ingerlatsinermi teknikimik pissuteqartumik maluginilluni sarfaarutsitsisartumut RCD-illersuummut ilaatinneqanngitsut annerpaamik 30mA-mut, tak. imm. 2, automatiskiusumik pilersuineramik unitsitsisartumik illersuummut atortumik RCD-iunngit-sumik maluginilluni sarfaarutsitsisartumik annerpaamik 30mA-mik atortulerneqassapput.

Imm. 4. Ikkuffiit iikkamiittut imm. 3 naapertorlugu inissinneqassapput imaluunniit imatut nalunaa-qutserneqassallutik, atortunut allanut ikkussiffigalugit atorneqarsinnaajunnaarsillugit.

Imm. 5. Piumasaqaamma imm. 1-imiittumi ilaatinneqanngitsut tassaapput:

- 1) Innaallagissap aqputaa ikkussuunneqarsimasog imaalluunniit taassuma ilaa tassunga taamaallaat a-tortussiat klasse II-mut ilaasut aalajangersimasumik ikkunneqarsimasut, aamma innaallagiartortog ik-kussuunneqarsimasog ikkuffeqanngippat imaluunniit allanik ikkuffissaqarnani.
- 2) Innaallagissap aqputaa ikkussuunneqarsimasog innaallagissamut ikkuffilik imaluunniit allanik ikkuf-fissaqartog, taanna sarfamik kaaviiartumik immikkut illersuutileqarsimasog imaluunniit immikkut sak-kukitsumik sarfalik, SELV imaluunniit PELV.
- 3) Innaallagissap aqputaa ikkussuunneqarsimasog IT-mut atortutut nunamut atassusigaaq aamma ta-pinnaveersaammik nakkutigineqartog.
- 4) Ikkussiffissat, ikkuffiit iikkamiittut illumi atortunut aamma assigisaannut atugassat pinnagit, inger-latsinermi teknikimik pissuteqartumik maluginilluni sarfaarutsitsisartumut RCD-illersuummut ilaatin-neqanngitsut annerpaamik 30mA-mut. Taamaappat ikkussiffissat taakkua automatiskiusumik pilersui-nermik unitsitsisartumik illersuummut atortumik sarfaarutsitsisartumik atortulerneqassapput.
- 5) Napparsimavinni aamma EDB-mut ikkuffiit aqqummik atuuttumik attavilerneqarsimasut aamma teknikimik pissuteqartumik imaluunniit maluginilluni sarfaarutsitsisartumut RCD-illersuummut ilan-ngunneqarusunngitsut annerpaamik 30mA-mut. Taamaappat ikkussiffissat taakkua automatiskiusumik pilersuineramik unitsitsisartumik illersuummut atortumik sarfaarutsitsisartumik atortulerneqassapput.

Nalunaaqutsersuineq

§ 36. Naleqquttunik mianersoqqussutinik allagartaliisoqassaaq imaluunniit nivinngaasoqassaaq ta-manna isumannaallisaaneq pissutigalugu pisariaqarpat, kiisalu inunnut, uumasuutinut imaluunniit illuu-tinut navianartorsiortitsinissaq pinngitsoorniarlugu.

Imm. 2. Ikkussinermut aamma aqutsinermut atortut nalunaaqutserneqassapput, tassani nalunaarne-qarlutik ilaasa sorliit innaallagiartortunik ikkussukkanut aqutsisuunersut.

Imm. 3. Atortut ledningit imatut inissinneqarsimassapput imaluunniit imatut nalunaaqutserneqarsimassallutik misissuinermi, misiliinermi, iluarsaassinermi imaluunniit innaallagiartortunik ikkussuuneqarsimasunik allanngortitsinermi.

Innaallagissap aqputai

§ 37. Innaallagissap aqputaasa akornanni imminnut atanerat aamma innaallagissap aqputaasa aamma atortussiat allat akornanni atanerat innaallagissamik attaviat ataavartuussaaq aamma aserujaatsuussaaq, taamattaq naammaginartumik mekaniskiusumik qajannaassuseqassaaq aamma illersuuteqarluni.

Imm. 2. Attaviit tulluurtumik qallerneqassapput taakkua naammaginartumik mekaniskiusumik illersuutaassallutik.

Imm. 3. Imaattoqartillugu imm. 2 atuutissanngilaq:

- 1) Aqputinik illersuutaasunik ikkussinermi taakkununnga attaveqaatit aqputit ilaannut allaanerusunut assigiisitsissutaasut ilanngullugit.
- 2) Aqputinik illersuutaasunik immikkoortunik katiterinermi imaluunniit taakkua akornanni imminnut attaviliinermi, taakkununnga aqputit assigiisitsissutaasut ilanngullugit, tassani piunasaqaataalluni aqputit sanimut kipigaanni annertussusia 4 mm²-nik mikinerussanngilaq.

§ 38. Atortussianik innaallagiartortunik ikkussiffissani innaallagiartortoq ikkussuunneqarsimasooq alajangersimasooq ikkuffilerfissamut, qullermut ikkussiffissamut, qamittaammut, iikkami ikkuffimmut imaluunniit atortussiamut innaallagiartortumut ikkussimasumut inimi attaveqaateqarfiusumik matoqqasumi naaneqartinneqassaaq.

§ 39. Aqput illersuutaasooq qalipaatilinnik nalunaaqutserneqarsimassaaq qorsummik/sungaartumik.

Imm. 2. Aqput qorsuk/sungaartoq taamaallaat aqputit illersuutaasut atorneqarsinnaavoq.

§ 40. Innaallagissap aqputaani ikkussuunneqarsimasumi nukissiat assigiinngitsut assigiissinniarlugit (potentialudligning) illersuummik atuisoqartillugu, taava nunamut ikkunneqarsimasooq nassaarineqassaaq, tassungalu ikkunneqassapput

- 1) attaviit assigiinngissutsinik assigiisitsisussat illersuinermit atorneqartussat,
- 2) aqputit nunamut attavilerneqarsimasut aamma
- 3) aqputit illersuutaasut,

Imm. 2. Innaallagissap aqputaani ikkussuunneqarsimasumi atuunneranut nunamut aqputit atorneqarpata, taava taakkua taamatuttaaq nunamiittumut attavilerneqarsimassapput.

§ 41. Nalinginnaasumik kabelit minnerpaamik 0,35 meterimik itissusilimmut nunamut piareerlugit asaanneqassapput.

Imm. 2. Taamaattorli Innaallagissionermut Oqartussat sumiiffinni qaqutigut angalaffigineqartartuni imaluunniit angalaffigineqartanngitsuni akuersissutigisinnaavaa kabelit ,35 meterinik ikkannerusumut assaanneqarnissaat imaluunniit nunap qaavatiqortinneqarnissaat. Kabelit ruujorimik illersuuserneqarsimassapput tassaasumik T-179 imaluunniit assigisaanik minnerpaamik qajannaqaataanik.

Imm. 3. Kabelit 0,7 meterinik ikkannerusumut aamma 0,35 meterinik sinnerlutigit ititigisumut assaanneqarsimasut kabelinut ruujorimik plastikimit, tassaasumit ruujori T-179, U-jusanik (ruujorip T-179-ip qallituaa) imermut ruujorinik plastikimit (0,6 MPa) imaluunniit assingusunik illersuuserneqarsimassapput.

Imm. 4. Kabelit 0,7 meterinik itinerusumiittut allamik illersuuserneqartariaqanngillat piunasaavorli kabelit qaavinnut 0,2 m båndimik/saattukujuumik ilisarnaaserneqarnissaat. Kabelit arlaliuppata imminnut ungasissusiat 0,2 meterinik annikinnerulluni, tassani taamaallaat piunasaqaataavoq båndimik/saattukujuumik ataasiinnarmik ilisarnaaserneqarnissaat.

Imm. 5. Kabelit nunap iluanit nunap qaavanut pisinneqartut mekaniskiusumik aamma sikumit sunnerneqarnissaminut nunap iluani aamma nunap qaavani illersuuserneqassapput, ruujorinik saviminernik, ruujorinik sisannik, saviminernik kabelinut puussanik imaluunniit imermut ruujorinut plastikinik taakkua minnerpaamik naqitsineq 0,6 MPa akiorsinnaassavaat.

Imm. 6. Kabelit taamaallaat sarfamik kaaviiartumik SELV-imik aamma PELV-imik ingerlaffigineqartut imm. 1-4-mut ilaatinneqanngillat, kisianni taakkua båndimik ilisarnaammik nalunaarneqassapput.

§ 42. Assiaqutit saattukujuut, ruujorit aamma U-jusat plastikimik suliat kabelinut nunamiittunut illersuutaasussat aamma båndit nalunaaqutsersuutit plastikit kabelinut nunamiittunut nalunaaqutsersuutaasussat aappaluttumik qalipaateqassapput.

Imm. 2. Assiaqutit saattukujuut minnerpaamik 100 mm.-imik silissuseqassapput aamma mianersornissamut allagartalerneqarsimassallutik.

Imm. 3. Nalunaaqutsiinermut båndit minnerpaamik 25 mm.-imik silissuseqassapput, issussusiat minnerpaamik 0,3, mm. aamma mianersornissamut allagartalerneqarsimassapput.

Imm. 4. Mianersornissamut allagartaq tak. imm. 2-3, imaassaaq

- 1) naqinnerit minnerpaamik 10 mm-imik angissuseqassapput,
- 2) qalipaataat qernertuussaaq aamma
- 3) uteqattaarneqassaaq annerpaamik 200 mm-inik allagartap akornanni akunnilerlugit.

Imm. 5. Assiaqutissat saattukujuut pineqartillugit imm. 4, normu 2-mi taamaallaat atorneqarsinnaapput, taakkua naqinnilerlugit nalunaaqutserneqarsimagunik.

§ 43. Ikkussuutani ikkuffiit attaveqarnermut atortut imaassapput

- 1) ikkunneqassaaq puulerlugu, taamaallaat sakkumik ikiorserluni ammarneqarsinnaasumik,
- 2) nalinginnaasumik anguneqarsinnaajunnaarlugu inissinneqassaaq minnerpaamik natermit 2,5 meteri-nit qutsitsigisumut,
- 3) imaluunniit illup iluani qangatsersimanermut.

Imm. 2. Ikkussuutani ikkuffiit attaveqarnermut atortut taamaallaat sarfaqartinnagit katiterneqassap-put aamma isatinneqarlutik.

Ikkuffinnik iikkamiittunik aamma ikkuffinnut iikkamiittunut ikkutassanik illup iluani

atortuniittunik aamma assigisaannik atuineq

§ 44. Innaallagiartortumut ikkussuunneqarsimasumut taamaallaat ikkuffiit iikkamiittut aamma ikkuffinnut iikkamiittunut ikkutassat illup iluanit atortuniittut aamma assigisaat ikkunneqarsinnaasut taamaallaat tassaapput, atortussianik innaallagiartortunik isumannaallisaaneq pillugu nalunaarusiaq naapertorlugu akuersissutigineqarsimasut.

§ 45. Innaallagiartortuni ikkussuunneqarsimasuni ikkuffiup iikkamiittup sarfaata aamma sarfap kortslutternissaanut illersuutip siornaniittup qaninnerpaap akornanni imatut atassuteqassaaq:

- 1) Ikkuffinnut iikkamiittunut 10 A-mik sarfalinnut aamma 13 A-mik sarfalinnut sarfaq akuerineqartoq sakkortunerpaaq kortslutternissamut illersuutaasoq 13 A-tut sakkortussuseqassaaq.
- 2) Ikkuffinnut iikkamiittunut 10 A-mik sarfalinnut sarfaq akuerineqartoq sakkortunerpaaq kortslutternissamut illersuutaasoq 16 A-tut sakkortussuseqassaaq.

§ 46. Ikkuffiit iikkamiittut napparsimavinnut naatsorsuussaasut taamaallaat napparsimavimmi aamma assigisaanni ikkunneqaaqusaapput.

Imm. 2. Napparsimavinni ikkuffinnut iikkamiittunut taamaallaat atortussianut immikkut napparsimavinnut naatsorsuussanut iikkamiittunut ikkunneqartussat immikkut ittut atorneqassapput.

Sumiiffiit ikkussuiffiusut

§ 47. Ikkuffiit iikkamiittut illup iluani atortussanut aamma assigisaannut aammattaq ikkuffiit iikkamiittut aallat atorsinnaasumik illersuutitalimmik ikkuffeqassapput, taamaattorli tak. imm. 3.

Imm. 2. Sumiiffiit ikkussuiffiusut allani aqquteqassaaq illersuutaasumik atorsinnaasumik, taamaattorli tak. imm. 4.

Imm. 3. Imatut pisoqartillugu imm. 1 atuuttussaatinneqassanngilaq:

1) Ikkuffiit iikkamiittut aalajangersimasut taakkua ikkuffittai marlunnik manissummik putoqarlutik nunamut ikkunneqartumut attaveqanngitsut atortunut klasse II-mut ikkuffissat annerpaamik 2.5 A-mik 250 V a.c.-imik sakkortussusilimmut, taanna ikkuffimmut marlunnik putulimmut katitigaallutik atorsinnaasumik illersuutitalimmik ikkuffeqassapput.

2) Ikkuffiit iikkamiittut SELV-imik illersuuserneqarsimasut.

Imm. 4. Imatut pisoqartillugu imm. 2 atuuttussaatinneqassanngilaq:

1) Sumiiffinni ikkussiffiusuni atortussiat klasse II-mut ilaasut aalajangersimasumik ikkusimatillugit.

2) Sumiiffinni ikkussiffiusuni SELV-imik illersugaaserneqarsimasuni.

§ 48. Ikkuffiit iikkamiittut sarfap kaaviiarneranit immikkoortumik illersuutitalit illersuutitalimmik ikkuffeqassapput.

Imm. 2. Sarfap kaaviiarfia immikkoortoq atortussianut sarfamik atuisunut ataasiinnaanngitsumut pilersuinermut atornerqarpat, taava aqqudit ilaat sarfap kaaviiarfianut immikkoortumut attuumassuteqartut ataatsimoortillugu atassuserneqassapput aqqudinut assigiisitsisunut nunamut attavilerneqanngitsunut tapinnaallisarneqarsimasunut.

Imm. 3. Aqqudit assigiisitsisut tapinnaallisarneqarsimasut nunamut attavilerneqarsimannngitsut aqqudinut illersuutitalinnut atassuserneqassanngillat, aqqudit ilaannut sarfap kaaviiarfianut allanut imaluunniit aqqudit ilaannut allaanerusuut.

§ 49. Atortussiat klasse I aqqudit illersuutitalinnut sumiiffinnit attavilerfigisaannit nuunneqanngikkunik imaluunniit aqqudigalugu aqqummut illersuusikkamut attavilerneqarsimannngikkunik ikkuffik iikkamiittoq attavilerneqarsimassapput.

§ 50. Sumiiffiit ikkussiffiusussat qanoq amerlatiginerat innaallagiartortumut ikkussuunneqarsimasumut aalajangersimasumiittussat atortussanut ilimagineqartunut naleqqussarneqarsimassapput, kiisalu amerlassusilerlugit aamma imatut inissinneqassapput ledninginit ilaartornissaat pisariaqassanani.

Atortussianik innaallagiartortunik innaallagissap aqqutaanut ikkussuunneqarsimasunut

aalajangersimasunut ledninginik ikkussineq

§ 51. Atortussiamik innaallagiartortumik ledningitalimmik innaallagissap aqqutaanut aalajangersimasumut ikkussinermi imatut iliortoqassaaq ikkuffimmut iikkamiittumut ikkuttakkamik ikkutinnigikkaanni imaluunniit aningasumut assigisaanulluunniit attavilerneqassaaq, tassunga ledningi ikkunneqartussaq nusunneqarnissaanut aamma qipitinneqarnissaanut atortulerlugu, atortussiamut innaallagiartortumut ilaasumik innaallagissap aqqutaanut ikkussuunneqarsimasup ilaanut tassa ledningip ikkunneqarfigisaanut, illersorneqassaaq.

Imm. 2. Ledningi ilassutaasoq innaallagissap aqputaanut aalajangersimasumut inimi imaluunniit silami ikkunneqassaaq, tassa atortussiap innaallagiartortup atorneqarfissaani. Tamanna atortussianut innaallagiartortunut atorneqarnermini nuunneqartartunut atuutinngilaq.

Imm. 3. Ledningit ilassutaasut mekaniskiusumik, akuutissanik imaluunniit kissartumik ajoquserneqassanngillat.

Inissiat

§ 52. Inissianni ataasiakkaani innaallagissap aqputaanut ikkussuunneqarsimasunut §§ 54-imit 59-imit atuupput aamma innaallagissap aqputaanut ikkussuunneqarsimasunut illup silaataaniittunut, taakua illumit pilersorneqarpata.

§ 53. RCD imaakkuni AC illumi ajortissimasunut illersuutitut atorneqaqqusaanngilaq.

§ 54. Innaallagissap aqputaa illersuutaasoq ikkussiffinninngaanneersoq ikkuffinnut ingerlanneqarsinnaasunut nuunneqassaaq atortussianut klasse I-nut, imaanngippat innaallagissap aqputaa ikkussuunneqarsimasooq RCD-mit illersorneqarluni innaallagissap qamittaataani sakkortunerpaamik 30mA-mit pilerneqarsimalluni, taamaattorli tak, imm. 2-3.

Imm. 2. Innaallagissap aqputaa illersuutaasoq ikkussiffinninngaanneersoq ikkuffinnut ikkunneqarsimasunut ingerlanneqarsinnaasunut nuunneqassaaq atortussianut klasse I-nut, elektroniskiusumik nakorsaannermi atorneqartartunut.

Imm. 3. Illunit 1. januaari 2018-ip kingornatigut napparneqarsimasunut innaallagissap aqputaa illersuutaasoq ikkuffinnut ikkunneqarsimasunut ingerlanneqarsinnaasunut nuunneqassaaq atortussianut klasse I-nut ikkunneqarsimasunut.

§ 55. Atortut illersuutaasut illumi atuuffigisaminni inissinneqassapput.

Imm. 2. Atortut illersuutaasut natsermit 2,2 meterinit qutsinnerusumut inissinneqarsimassanngillat. Atortut illersuutaasut natermit 1 meterinit qutsinnerunngitsumut inissinneqarunik, taava sikaavimmut paarnaarneqarsinnaasumut inissinneqassapput.

Imm. 3. Atortut illersuutaasut ininut allanut illumut ilaasumut inissinneqarsinnaapput, kisianni illumit toqqaannartumik iserfigineqarsinnaanngitsumut. Taamaattorli tamanna atuutinngilaq sumiiffiit tammat aqputigisartagaat aqputigalugit iserfigisinnaaasaanni soorlu majuartarfinni, torsuusani, aqqusineeqqani assigisaannilu.

Imm. 4. Suliffinni inunnut imminnut nammineerlutik ikiorsinnaanngitsunut inigineqartuni atortut illersuutaasut illup silataanut inissinneqarsinnaapput, piumasaqataavorli suliffik ulloq unnuarlu sulisoqartarnissaa.

§ 56. Ikkussuiffiit qanoq amerlatiginissaat iikkami ikkuffinnik aamma qaammaqputinut armaturinut aamma atortussanut allanut ikkuffissanik nukissiamik annertunngitsumik atuisunut 250 V-nik pilersuisut, taakkua ikinnerpaamik illup katillugu angissusia 50-imik aggorlugu amerlassuseqassapput. Taamaattorli ikinnerpaamik marlunnik immikkoortoqassaaq.

Imm. 2. Illup angissusia naatsorsorneqassaaq Angissutsinut oqartussasut ilitersuussutaat naapertorlugit.

Imm. 3. Immikkoortut ataatsimik, marlunnik imaluunniit pingasunik faseqartut (faset) immikkoortut ataatsitut naatsorsuutigineqarpoq.

Imm. 4. Immikkoortut qanoq amerlatiginerannut imm. 1, naapertorlugu ilanngunneqanngitsut makkuupput:

- 1) Atortussianut immikkoortut piffissamut naatsorsuilluni nukissiamik annertuumik atuisunut.
- 2) Immikkoortut atortussianik 1-faselinnik ikkussiffissaasunik 6A-mit annertunerusumik sarfatortuni, kiisalu taakkunani sarfap kaavinnera nal. akunnerinik 2-nik sivisunerusumik ikumanissaa naatsorsuutigineqarsinnaalluni.

§ 57. Illumi inini ataasiakkaani iikkami ikkuffiit 250 V-usut innaallagissap aqputaanut aalajangersimasumik ikkussuuneqarsimasunut atasut naqqup angissusaa 4 m² aallarnerfigalugu ikinnerpaamik ataatsimik ikkuffiliisoqassaaq. Taamaattorli iikkami ikkuffiit qulinit amerlanerunissaat piumasaqaataanngilaq.

Imm. 2. Igaffinni iikkami ikkuffiit ikinnerpaamik pingasut inissinneqassapput. Taakkua imatut inissinneqassapput atortorissaarutit nuunneqartartut iikkami ikkuffinnut ikkunneqartartut atorneqarfissaannut aamma ikinnerpaamik immikkoortunut marlunnit immikkoortinneqassapput.

Imm. 3. Igaffeeqqani ikinnerpaamik ataatsimik iikkami ikkuffeqassaaq, taanna imatut inissinneqassaaq atortorissaarutit nuunneqartartut iikkami ikkuffinnut ikkunneqartartut atorneqarfissaattut eqqarsaatigineqarsinnaasumut.

Imm. 4. Perusuissartarfiit WC aamma uffarfiit imm. 1-imut ilaatinneqanngillat. Taamaattorli ikinnerpaamik ataatsimik iikkami ikkuffeqassaaq, imaanngippat uffarfik ima mikitigaluni isumannaallisaanermut piumasaqaatit allat iikkami ikkuffimmik ikkussisoqarnissaa ajornartillugu.

Imm. 5. Init biiliisiviit (Garage), biilinit pulatitsiviit (carport), qaliani init, init toqqorsiviit assigisaallu imm. 1-imut ilaatinneqanngillat.

§ 58. Qaammaqputit armaturit aalajangerlugit ikkunneqarsimanngitsut ikkuffiisa eqqaanni, innaallagissap aqputaasa ikkussuunneqarsimasut innarlernagit ikkussiffigineqarnissaat anguniarlugu, imaattoqassaaq

1) kiggiffissat aalajangersimasumik inissinneqarsimasut,

2) DCL illup iluani atortussiaq EN 61995-2 naapertorlugu, Udstyr til tilslutning af

belysningsarmaturer til husholdningsbrug og lignende del 2, DCL-imut quppersakkat, imaluunniit

3) qullernut ikkuffik aamma ikkuffik iikkamiittoq DS 60884-2-D1 naapertorlugu, Stikpropper og stikkontakter til husholdningsbrug og lignende.

Sumiiffiit qaartoorfiusinnaasut

§ 59. Innaallagissap aqputaanik ikkussuunneqarsimasunik sumiiffinni qaartoorfiusinnaasutut navianartuni suliaqarneq EN 60079-14 naapertorlugu, Eksplosive atmosfærer, del 14, Konstruktion, valg og opbygning af elektriske installationer.

Innaallagissap aqputai utaqqiisaagallartumik ikkussuunneqartut

§ 60. Innaallagissap aqputai utaqqiisaagallartumik ikkussuunneqartoq qaammatit pingasut sinnerlugit atatinneqarpat, taava ikkussuunneqarsimasoq qaammatit pingasukkaarlugit suliffeqarfimmit innaallagialerinissamut akuersissummik peqartumit taakkua misissorneqartassapput.

Imm. 2. Innaallagissap aqputaanik utaqqiisaagallartumik ikkussuunneqarsimasumik piginnittup imaluunniit atuisup, misissuinerup ingerlanneqarnissaa aamma ikkussuunneqarsimasut atorneqareernermit gut peerneqarnissaa akisussaaffigaa.

Kapitali 5

Innaallagissap aqputai ikkussuunneqareersimasut illersuuteqarnerat RCD-inik ilallugu

§ 61. Innaallagissap aqputaani pioreersuni ikkuffiit iikkamiittut illup iluani atortorissaarutinut assigisaannullu atorneqartussat 16 A-mik angullugulu sarfallit, taamatuttaaq ikkussiffissat allat aalajangerlugit ikkussuunneqarsimasut sarfaqarpallaalernissamut 20 A anngullugulu illersuutillit, tamakkua pilerorneqarnerata automatiskiusumik qaminneqartussanngorlugit illersuuserneqassapput.

Imm. 2. Atortutut illersuutitut atugassat tassaapput RCD maluginilluni sarfamik sakkortunerpaamik 30mA-mit qamitsisartoq.

Imm. 3. Ikkuffiit iikkamiittut atortussanut ataasiakkaanut naatsorsuussat, ingerlatsinermit teknikikkut pissutsit pissutigalugit RCD-mik illersuummik sarfamik maluginilluni sakkortunerpaamik 30mA-mit ilanngunneqarsinnaanngitsut, tak. imm. 2, automatiskiusumik qamminneqarnissaannut illersuuserneqassapput, illersuut RCD-uinngitsoq atortoq alla iluaqutigalugu sarfamik maluginilluni sakkortunerpaamik 30mA-mit qamitsisartoq.

Imm. 4. Ikkuffiit iikkamiittut imm. 3 naapertorlugu imatut inissinneqassapput imaluunniit imatut nalunaaqutserneqassapput, taakkua atortussanut allanut ikkussiffigisinnaajunnaarlugit.

Imm. 5. Piumasaqaat imm. 1-imiittoq makkununga atuutinngilaq:

1) Innaallagissap aqputai imaluunniit taakkua ilaat, tassani taamaallaat atortussiaq klasse II aalajanger-simasumik ikkunneqarsimalluni, kiisalu ikkunneqarsimasoq pineqartoq ikkuffeqarluni imaluunniit allanik ikkussiffissaqarluni.

- 2) Innaallagissap aqqutai ikkuffilik imaluunniit allanik ikkussiffissaqartoq sarfap kaaviiarfianik im-mikkoortumik imaluunniit SELV-mik imaluunniit PELV-mik illersuuteqartoq.
- 3) Innaallagissap aqqutai IT-mut nunamut atortulerneqarsimasut aamma tapinnaveersaaserlugit nakku-tigineqartut.
- 4) Ikkussiffissat allat taamaallaat illup iluani atortussanut assigisaannullu ikkuffiit iikkamiittut pinna-git, ingerlatsinermi teknikikkut pissutsit pissutigalugit RCD-mik illersuummik sarfamik maluginnilluni sakkortunerpaamik 30mA-mit ilanngunneqarsinnaangitsut. Taamaattoqartillugu ikkussiffissat taakku automatiskiusumik qamminneqarnissaannut illersuuserneqassapput atortoq illersuut alla iluaqutigalu-gu.
- 5) Napparsimavinni aamma EDB-mut ikkuffiit aqqummik atuuttumik attavilerneqarsimasut aamma teknikimik pissuteqartumik imaluunniit maluginnilluni sarfaarutsitsisartumut RCD-illersuummut ilan-ngunneqarusunngitsut annerpaamik 30mA-mut. Taamaappat atortorissaarutinut taakkununga ikkus-siffissat taakku automatiskiusumik pilersuinerimik unitsitsisartumik illersuummut atortumik sarfaa-rutsitsisartumik atortulerneqassapput.
- 6) Innaallagissap aqqutai ikkussorneqareersimasut kaaviiartumik sarfallit, tassani piumasaqaataalluni ajortittoorneq pissutaalluni sarfap kaaviiartuata allap ajunngitsumik ingerlanera annikillissisanagu, aamma RCD-mik ikkussinerup kingunerissappagu piumasaqaatip taassuma eqqortinneqannginnissaa.

Allanngortitsinerit imaluunniit annertusititsinerit

§ 62. Innaallagissap aqqutaanik pioreersunik annertusititsinerim imaluunniit allanngortitsinerim, ator-tussiat innaallagiartortut maluginninnissaannut sakkortussuseq aamma pissutsit, sakkortussutsimik an-nertunerusumik atuinerimik nammattussaanerata annertusititsinerimut imaluunniit pissutsinut allanngor-tunut naammattuunissaa qulakkeerneqassaaq. Tamakku saniatigut nunamut attaveqartitsineq aamma assigiitsitsiniarluni attaveqaatit naammaginartuussapput, tamakku illersuuteqarnissamut iliussissanut pisariaqarpata tassa annertusititsinerim imaluunniit allanngortitsinerim isumannaallisaaneq ator-neqar-toq mianeriniarlugu.

§ 63. Innaallagissap aqqutaanik pioreersunik annertusititsinerim imaluunniit allanngortitsinerim ik-kussiffissat annerpaamik marluutillugit, akuerineqarpoq aqqu tip illersuutaasup pinngitsoorneqarnissaa, imaappat aqut illersuutaasoq ikkussuunneqarsimasumi pioreersunik peqanngippat, tassani piumasa-qaataavoq annertusititsinerimut imaluunniit allanngortitsinerimut RCD atorlugu maluginninnermut sar-faq annerpaamik 30mA-julluni.

§ 64. Innaallagissap aqqutaanik pioreersunik annertusititsinerim imaluunniit allanngortitsinerim ik-kuffiit iikkamiittut illersuuserneqarsimasut, annertusititsinerimut imaluunniit allanngortitsinerimut ilaa-sut aqqummut atuuttumik illersuutitalimmu attavilerneqassapput.

§ 65. Innaallagissap aqutaani pioreersuni ikkussuunneqarsimasuni akuerisaavoq immikkut nunamut elektrode-mik pilersitsinissaq nunamut attaveqartumut pingaarnermut atassusinngikkaluarlugu, taanna ikkussorneqarsimasumik ilanngunneqarsimanngippat.

Imm. 2. Taamaattorli aqcutit ilaat innarlerneqarsinnaasut ataatsikkullu attorneqarsinnaasut, tamatigit elektrodemut nunamukartumik assinganut atassuserneqassapput.

§ 66. Illuni innaallagissap aqputaa pioreersoq ikkussuunneqarsimasoq igaffimmiittoq ikkuffinnik iik-kamiittunik marlunnik ilaneqarsinnaavoq taakkua immikkoortunut marlunnut avinngikkaluarlugit.

§ 67. Allannortitsisoqassanngilaq innaallagissap aqputaanik pioreersunik ikkussuunneqarsimasunik isumannaallisaanermik ajornerulersitsilluni.

Innaallagissamut ledningit katiteriffii (tavler) pioreersut

§ 68. Innaallagissamut ledningit katiteriffianik pioreersumik innaallagissamut aqputinut ilaasumik qalligaaneramik pioreersumik suliaqarneq, aqqissuussineq, allannortitsineq aamma annertusititsineq sana-titsisup fabrikkip innersuussutai aammattaaq piumasaqaatit naapertorlugit ingerlanneqassaaq, innaalla-gissamut ledningit katiteriffiata sananeqarnerata aamma ikkussuunneqarnerata nalaani atuuttut naaper-torlugit

Imm. 2. Qalligaanerata pioreersup saniatigit annertusititsineq innaallagissap ledningiinik katiteriffit-tut nutaatut isigineqarpoq, tassanilu piumasaqaatit aamma aalajangersakkat maannakkut atuuttut ma-linneqassapput.

Imm. 3. Innaallagissamut ledningit katiteriffiat pioreersoq nuunneqarpoq, tassani piumasaqaatit aam-ma aalajangersakkat piffissap nuussiffiusup nalaani atuuttut eqqortinneqassapput.

§ 69. Innaallagissamut ledningit katiteriffiat pioreersoq allannortinneqarpat imaluunniit annertusine-qarpat, taanna ajortissinnaaneranut illersorneqarluni taava allannortitsineq imaluunniit annertusititsi-neq aammattaq ajortissinnaaneranut illersorneqarneranut ilanngunneqassaaq.

§ 70. Innaallagissamut ledningit katiteriffiat pioreersoq ajortissinnaaneranut illersuutitaqanngitsoq al-lannortinneqarpat imaluunniit annertusineqarpat qalligaanerata pioreersup iluani, taava allannortinne-qarnerata imaluunniit annertusineqarnerata innaallagissamut ledningit katiteriffiata iluaniittumik taa-maattoqarnissaa piumasaqaataanngilaq.

Imm. 2. Innaallagissamut ledningit katiteriffiat pioreersoq immikkoortunik nutaanik ilaneqarpat, ilas-

sutigineqartoq tamakkerlugu tapinnaveersaaserlugu illersorneqarsinnaavoq.

Imm. 3. Pilersuinerup automatiskiusumik qaminnissaanut illersuusiliineq taamaallaat iliuuserineqas-saaq, innaallagissamut ledningit katiteriffianut ikkussuiffimmi imaluunniit innaallagissamut ledningit katiteriffiata saavani illersuinerup atortunik ikkussisoqarsimappat, taannalu ajortittoqartillugu pilersuinerup qamitsisarlu.

Sarfamik ajortoqartillugu qamittaait

§ 71. Sarfamik ajortittoqartillugu qamittaait taarserneqarsinnaapput innaallagissap aqquataa ikkussuunneqarsimasoq, piffissap suliarineqarnerata nalaani imaluunniit kingusinnerusukkut aqquutit nuunneqarnerisa nalaani innaallagissap aqquataanut ikkussuunneqarsimasunut tunngatillugu aalajangersakkat atuuttut malillugit suliarineqarsimappata.

§ 72. Aqutit ilersuutaasut aamma nunamut ikkunneqarsimasut sarfamik ajortittumik qamitsisartut nalimmassaanermut attavimmut pingaarnermut ikkuteqqusaanngillat.

Innaallagissap aqquataani ikkussuunneqarsimasuni sumiiffiit ikkussiffissat aqut illersuutaasooq atorineqarnani

§ 73. Atortut Klasse I-mut ilaasut innaallagissap aqquataanut ikkussuunneqarsimasumut aqqummik illersuutaasumik atorsinnaasumik pilernagit ikkunneqarsinnaapput, tassanili piumasaqaataavoq ikkussorneqarsimasup RCD-mit illersuuserneqarnissaa maluginnilluni sarfamik qamitsisinnaasumik annerpaamik 30mA-mik sakkortussuseqartumik illersuuserlugit.

Imm. 2. Atortussiat innaallagiartortut tassani aqut illersuutaasooq pisariaqartinneqarluni isumannaallisaneq eqqortoq atuutissappat, aamma elektroniskiusumik nakorsaannermi atorineqartartut, imm. 1-imut ilaatinneqanngillat.

Imm. 3. Innaallagissap aqquatai ikkussorneqareersimasut kaaviiartumik sarfallit, tassani piumasaqaataalluni ajortittoorneq pissutaalluni sarfap kaaviiartuata allap ajunngitsumik ingerlanera annikillisissanagu, aamma RCD-mik ikkussinerup kingunerissappagu piumasaqaatip taassuma eqqortinneqannginnissaa.

Qaammaqutitut atortut sumiiffinni tamanit orninneqarsinnaasuni

§ 74. Qaammaqutitut atortunik sumiiffinni tamanit orninneqarsinnaasunik aqqissuussinerup ima-

luunniit aserfallatsaaliuinermi atorineqartussat tassaapput

- 1) armaturit imaluunniit taakkua ilaat ataasiakkaat pioreersut assigisaat,
- 2) armaturit imaluunniit taakkua ilaat ataasiakkaat klasse II-mut ilaasut, imaluunniit
- 3) ilassutaasumik illersuutiliineq § 35 naapertorlugu.

Imm. 2. Imaappat armaturinut imaluunniit taakkua ilaannut ataasiakkaanut tunngatillugu imm. 1 eq-qortinneqarsinnaanngippat, qaammaqqutitut atortut ilaat isigineqassaaq taakkua ilaat ilanngunneqartoq, nutaatut isigineqarluni taakkualu najoqqutassiami matumani innaallagissap aqqutaanik nutaanik piumasaaqatit eqqortissavaat.

Kapitali 6

Uppernarsaaneq

§ 75. Innaallagissap aqqutaanik ikkussuunneqartunik suliaqarneq uppernarsarneqartussaavoq, tassa ikkussuussinermi najoqqutassiaq manna malinneqarsimanersooq. Uppernarsaaneq ingerlanneqassaaq innaallagissap aqqutaasa ikkussuunneqarsimasut atorineqalernissaat sioqqullugu.

Imm. 2. Uppernarsaanermut ilaapput misissuineq, misileraaneq aamma nalunaarusiorneq.

Imm. 3. Misissuineq aamma misileraaneq ingerlanneqassapput piffissap uppernarsaaffiusup nalaani Kalaallit Nunaanni atuuttoq tassaasooq HD 60364-6, Elektriske lavspændingsinstallationer, del 6, verifikation.

Imm. 4. Ikkussuunneqarsimasooq atorunnaartutut nalunaarneqartoq soorlu assersuutigalugu uuttuut peerneqarpat/qaminneqarpat, taava ikkussuunneqarsimasut atorunnaarsimaneratut tamanna isigineqassaaq. Ikkussuunneqarsimasooq ingerlajunnaarsimappat piffissami ataannartumi sivisujaartumik, taava innaallagissamik nioqquteqartup piumasarisinnaavaa ikkussuunneqarsimasup misissorneqarnissaa aamma misilerarneqarnissaa installatørimik akuersissummik peqartumik suliarineqartumik, tassa uuttuummik ikkuseqqinnissaaq imaluunniit atuutilersitsinissaaq sioqqullugu.

Misissuereernerup piumasaaqataasup kingornatigut innaallagissamik nioqquteqartumut, ikkussuunneqarsimasup atulernissaa sioqqullugu, atuisutut nutaamik nalunaaruteqartoqassaaq. Ikkussuunneqarsimasup atuutilerseqqinnissaa sioqqullugu minnerpaamik piffissap suliarineqarnerata nalaani maleruaq-qusat atuuttut naammassineqarsimassapput.

Imm. 5. Suliffeqarfiit akuersissummik peqartut pitsaassutsimut qulakkeerinninnermut attuumassuteqartumi inaarutaasumik misissuineq pillugu aalajangersakkat naapertorlugit nalunaarusiaq toqqortarineqassaaq.

Imm. 6. Suliat innaallagissamut tunngasut, Suliffeqarfimmik innaallagissap aqqutaanik ikkussuinissamut akuersissuteqarneq pillugu najoqqutassiami ilaasumi, kikkunnit tamanit suliarineqarsinnaasunut tunngasut, imm. 1 naapertorlugu akuersissuteqarnissaaq piumasaaqataanngilat.

Kapitali 7

Ingerlatsineq aamma aserfallatsaaliuineq

Innaallagissap aqputaani ikkussuunneqarsimasumi imaluunniit eqqaani ingerlatsineq

§ 76. Innaallagissap aqputaani ikkussuunneqarsimasuni imaluunniit taakkua eqqaani ingerlatsinerni innaallagissap navianarsinnaanera nalilersorneqassaaq, taamaaliornikkut ingerlatsineq isumannaatsumik suliarineqarsinnaammat.

Imm. 2. Innaallagissap aqputaani ikkussuunneqarsimasuni imaluunniit taakkua eqqaani ingerlatsinernit, EN 50110-1 Drift af elektriske installationer og elektriske anlæg, tassani pineqanngilaq inunnut sarfaqartillugu suliamik ingerlatsisunut ilinniarsimanissamut piumasaaqat.

§ 77. Inuit innaallagissap aqputaanik sarfaqartunik ikkussuunneqarsimasunik imaluunniit taakkua eqqaani suliaminnik ingerlatsisut, suliamik suliarinninnissaminut naammaginartumik piginnaasaqassapat, taamaattuunermikkut navianartut innaallagissap pilersissinnaasai pinngitsuussagamikkut.

§ 78. Inuit innaallagissap aqputaanik sarfaqartunik ikkussuunneqarsimasunik imaluunniit taakkua eqqaani suliaminnik ingerlatsisut, 18-it sinnerlugit ukioqalereersimassapput.

Imm. 2. Innaallagissap aqputaanik ikkussuunneqarsimasunik sarfaqartunik uuttortaaneq aamma ajoqutinik misissuineq inunnit ilinniakkaminnik ingerlatsisunik suliarineqarsinnaavoq, taakkua 16-inik ukioqalereersimagunik aamma ilitsersorneqarsimagunik kiisalu inummik paasisimasalimmik nakkutigineqarunik.

§ 79. Inuit innaallagissap aqputaanik sarfaqartunik ikkussuunneqarsimasunik suliaqartartut piffissami aalajangersimasumi aamma pisariaqassusilimmik annertussuseqartumik ilitsersorneqartassapput, taamaattunik suliaqartarnermut tunngatillugu isumannaallissanermut tunngatillugu eqqortumik pissusilersortarnissamut atatillugu.

Atortunik innaallagiartortunik aserfallatsaaliuineq

§ 80. Atortussianik innaallagiartortunik innaallagissap aqputaanut ikkussuunneqarsimasunut ikkussinermut atatillugu suliffeqarfiit imaluunniit inuit, atortussianik innaallagiartortunik sulinermtut atatillugu atuisut qulakkiissavaat atortussiat innaallagiartortut aserfallatsaaliuineqarsimanerat, taamaaliornikkut inunnut, uumasuutitut imaluunniit illunut navianartorsiortitsinnginnissaat anguniarlugu:

- 1) Nammineq suliffeqarfiginngisami imaluunniit inummi namminermti allanik sullissinermti,
- 2) Atortussianik innaallagiartortunik allanut attartortitsinermti.

§ 81. Sikringit aattartut, sikringit automatiskiusut imaluunniit sarfaqarpallaalernerme illersuut sakkortunerpaaffimmi attaveerutitsisartut atorneqartillugit, aassimanermik imaluunniit automatiskiusumik attaveerunnermik kingornatigut taamaallaat ataasiaannarlugit taarseqqusaapput imaluunniit atulersitseqqusaapput.

Imm. 2. Sikringi aaqippat imaluunniit automatiskiusumik attaveeruteqqippat, taava attaveqartitseqqilernissaq sioqqullugu ajoqutaasoq peerneqassaaq.

§ 82. Atortussianik innaallagiartortunik automatiskiusumik atulersitseqqinneq innaallagissamut qupinnguallannissamut illersuutaasoq pilersuinermik automatiskiusumik attaveerutitsinikkut, inerteqqutaavoq tassani inuit tamatumunnga tunggasumik ilinniarsimanngitsut innaallagissap aqqutaanut ikkussuunneqarsimasunut isersinnaatillugu.

§ 83. Naatsorsuutigineqarsinnaappat navianartorsiortitsisinnaaneq imaluunniit aseruisoqarsinnaanera, tassa pilersuinerup atulersitseqqinneranut atatillugu, innaallagissap aqqutaanut ikkussuunneqarsimasunut imaluunniit atortussiamut ikkussuunneqarsimasumut tunggatillugu qanoq iliornissamut piareersartoqarsimassaaq.

Kapitali 8

Nalunaaruteqartarneq

§ 84. Innaallagissamik sakkukitsumik sarfalimmik ikkussuussinerme maleruaqqusat nalinginnaasut HD 60364 atuuttoq naapertorlugu suliarineqarpat Kalaallit Nunaanni allannguutit/ilanngunneqarsimasut ilanngullugit atorneqanngippat, imaluunniit ilaannaa atorneqarluni taava elinstallatøritut suliffeqarfiup tamanna Innaallagissiornermut Oqartussanut nalunaarutigissavaa.

Nalunaaruteqarnerme nalunaarutigineqartussat tassaapput:

- 1) innaallagissap aqqutaanik ikkussuunneqarsimasunik pioreersunik annertusititsineq aamma
- 2) innaallagissap aqqutaanik nutaanik ikkussuineq.

Imm. 2. Nalunaaruteqarneq imm. 1 naapertorlugu paasissutissanik aamma uppersaasersuutini makkuninnga ilaqassaaq:

- 1) Innaallagissap aqqutaanik ikkussuunneqarsimasunik ikkussuiffiup sumiiffia.
- 2) Piffissaq qanga suliasap suliarineqarsimanera.
- 3) Piffissaq qanga pilersaarusiornerup naammassineqarsimanera, tamanna attuumassuteqarpat.
- 4) Nalunaarummi matumani isumannaatsuutitsinissamut piumasaaqatit eqqortinneqarsimanerannut uppersaasersuutit.

- 5) Misissuisimanermut uppersarsaasersuut tassa innaallagissap aqquataasa ikkussuunneqarsimasut, teknikimut tunngatillugu uppersarsaasersuutitut naapertorlugit pisimanersut.
 - 6) Uppersarsaasersuutit atortussianik toqqaasimanermut aamma illersuutitut atortussianik toqqaasimanermut tunngatillugu.
 - 7) Naatsorsuinerit aamma nalilersuinerit tassa isumannaatsuutitsinissamut piunasaqaatinik eqqortitsimanermut tunngavigineqartussat tunngasut.
 - 8) Innaallagissap aqquataasa ikkussuunneqarsimasut titartagartai aamma skemat tamakkiisumik takusutissaasut.
 - 9) Paatsoorneqarsinnaangitsumik ilisarineqarsinnaangorlugit uppersarsaasersuut innaallagissap aqquataasa ikkussuunneqarsimasup ilaata sorliup suliarineqarsimaneranut tunngatillugu.
- Imm. 3.* Nalunaaruteqarnek imm. 1-2-mut tunngasoq suliarineqassaaq suliap suliarineqarnerata kingornatigut kingusinnerpaamik ullut 14-it qaangiutsinnagit.

Kapitali 9

Pineqaatissiissutit

§ 85. Ukuninnga §§ 6 – 74 unioqutitsineq, akuersissut § 75 naapertorlugit amigaataappat, §§ 76-83 unioqutitsineq, saneqqutsinerit pillugit nalunaaruteqanngitsoorneq, tak. § 84, imm. 1, paasissutissanik eqqunngitsunik nalunaaruteqarnek, tak. § 84, imm. 2, kiisalu § 84, imm. 3-mik unioqutitsineq, tamaku pillaammik akiliisinnerqarnermik kinguneqarsinnaapput.

Imm. 2. Inuit inatsisitigut pisinnaatitaasut pisussaataasullu pillaammik akiligassamik akiliisussanngortinneqarsinnaapput Kalaallit Nunaanni pinerluttulerinermi Inatsit naapertorlugit.

Imm. 3. Pillaammik akiliisitsinerit nalunaarut manna naapertorlugit Nunatta Karsianut nakkartinneqassapput.

Kapitali 10

Atuutilersitsineq aamma ikaarsaariarnermi aalajangersakkat

§ 86. Nalunaarut atuutilerpoq ulloq, 1. januaari 2020.

§ 87. Atortut innaallagiartortut Kalaallit Nunaanni innaallagiat sakkortoq pillugu nalunaarut naapertorlugit suliarineqarsinnaapput ulloq 31. decembari 2020 tikillugu aamma ilanngullugu.

Imm. 2. Atortut innaallagiartortut 31. decembari 2020 sioqqullugu suliarineqarnissaat piareersarneqareersimasoq imaluunniit aallartinneqarsimasut Kalaallit Nunaanni innaallagiat sakkortoq pillugu nalunaarut naapertorlugit suliarineqarsinnaapput imaluunniit maleruaqqusat taakkua naapertorlugit naam-massineqarsinnaallutik ulloq 30. juuni 2021 tikillugu aamma ilanngullugu.

Imm. 3. Innaallagissiornermut Oqartussat immikkut ittumik pisoqartillugu atortut innaallagiartortut naammassineqarnissaat pillugit immikkut akuersissuteqarsinnaapput 30. juuni 2021 kingornatigut. Immikkut akuerineqarnissamut qinnuteqaat Innaallagissiornermut Oqartussat ulloq taanna nallertinnagu tigareersimassavaat.

Innaallagissiornermut Oqartussat, ulloq 12. december 2019

Michael Petersen

/

Jane Lynge Hansen